



Bio sam džunub, pa sam mrzio da nečist sjedim sa tobom. Pa je rekao: "Subhanallah (slavljen neka je Allah), zaista vjernik nije nečist".

Ebu Hurejre, radijallahu 'anhu, u merfu' predaji prenosi da je Poslanik, sallallahu 'alejhi ve sellem, sreo na jedim od medinskih puteva, a bio je džunub. Kaže Ebu Hurejre: "Pa sa se sklonio od njega, i otišao sam se okupati i nakon toga sam otišao Poslaniku, sallallahu 'alejhi ve sellem, a on mi reče: 'Gdje si bio, o Ebu Hurejre?' 'Bio sam džunub, pa sam mrzio da nečist sjedim sa tobom.', odgovorio sam. A on reče: 'Subhannallah (slavljen neka je Allah), zaista vjernik nije nečist.'"

[Vjerodostojan] [Muttefekun alejh]

Ebu Hurejre, radijallahu 'anhu, je na jednom od medinskih puteva sreo Vjerovjesnika, sallallahu 'alejhi ve sellem, a zadesilo se da je bio džunub. Pa mu je iz poštovanja prema Poslaniku, sallallahu 'alejhi ve sellem, bilo neugodno da u takvom stanju sjedi i priča sa njim. Zbog toga se krišom sklonio od Vjerovjesnika, sallallahu 'alejhi ve sellem, okupao se i nakon toga ponovo mu došao. Tada ga je Vjerovjesnik, sallallahu 'alejhi ve sellem, upitao gdje je bio otišao. Tada ga je obavijestio o svome stanju i da mu je bilo neugodno da nečist sa njim sjedi. Allahov Poslanik, sallallahu 'alejhi ve sellem se začudio zbog toga što je Ebu Hurejre mislio da je vjernik u stanju džunubluka nečist, i obavijestio ga da vjernik ni u kakvom stanju ne može biti nečist.

<https://sunnah.global/hadeeth/bs/show/3076>